



Direktoratet for mineralforvaltning
med Bergmeisteren for Svalbard

Adresseinformasjon fylles inn ved ekspedering.
Se mottakerliste nedenfor.

Dato: 05.03.2019
Vår ref: 18/03506-7
Deres ref:

Høyring av søknad om driftskonsesjon for Gaular Næringspark i Gaular kommune. Tiltakshavar: Gaular Pukk og Sand AS.

Leiv Erikssons vei 39
Postboks 3021 Lade
N-7441 Trondheim

TELEFON + 47 73 90 46 00
E-POST post@dirmin.no
WEB www.dirmin.no

GIRO 7694.05.05883
SWIFT DNBANOKK
IBAN NO5376940505883
ORG.NR. NO 974 760 282

SVALBARDKONTOR
TELEFON +47 79 02 12 92

Direktoratet for mineralforvaltning med Bergmeisteren for Svalbard (DMF) har fått inn søknad om driftskonsesjon etter minerallova § 43, den 24. september 2018.

Med dette sender vi søknaden om driftskonsesjon på høyring i samsvar med forvaltingslova § 17. Vi ber kommunen om å informere oss snarast dersom partar som saka vedkjem i særleg grad, ikkje står på adresselista for denne høyringa.

Høyringsfrist: 2. april 2019.

Søknaden med vedlegg er tilgjengeleg på dirmin.no under «Saker til høyring».

Samandrag av søknaden

Gaular Pukk og Sand AS søker om driftskonsesjon for uttak av stein i Gaular Næringspark. Uttaket er lokalisert på gbnr. 61/89 og 61/136 i Gaular kommune. Tiltakshavaren viser til informasjon frå NGU der ein finn at store delar av berggrunnen inngår i «vestre gneis kompleks». Førekomsten er udiffereensierte gneisar med varierende grad av bånding og mineralsamansetning. Ifølgje tiltakshavaren er bergarten i stor grad inhomogen, båndar, oppsprukke og foldar. På bakgrunn av dette er førekomsten ikkje egna for uttak av stor blokk, men passar godt å nytte som grov murestein til tørrmuring og andre uteanlegg for den lokale marknaden. Bergarten er ein lys granittisk gneis med middels gode eigenskapar for dei fleste buggtekniske formål. Tiltakshavaren beskriv vidare at geologien for bergarten dei skal drive på er lagvis med slepper med ein vinkel på 30 grader mot aust i det området der det er uttak i dag.

Omsøkt område er ifølgje tiltakshavar 29 daa. DMF har teke utgangspunkt i tiltakshavaren sitt kart med den uttaksgrensa som kjem fram av kart med tittelen «eigedomskart» som framkjem av driftsplanen. Vi har digitalisert uttaksområdet i tråd med tiltakshavaren si uttaksgrense/konsesjonsgrense og finn ut ifrå dette at konsesjonsområdet er 37 daa. Det totale uttaket innafor konsesjonsområdet er anslått å vere 150 000 m³. Tiltakshavaren ser for seg å ta ut 15 000 m³ årleg, men dette kan variere noko ut ifrå etterspørsel i marknaden.



Området er i reguleringsplan for Gaular Næringspark gnr. 61 bnr. 20 mfl. med planID 20170001, vedteken i kommunestyret den 26. april 2018, regulert til forretning/kontor/industri og steinbrot og masseuttak.

Forventingar til høyringsfråsegnene

DMF ber om at offentlege etatar ut frå eige ansvarsområde vurderer om noko tilseier at driftskonsesjon ikkje bør tildelast, eventuelt om det skal stillast vilkår om avbøtande tiltak.

Private partar kan komme med innspel til relevante forhold i den aktuelle saka.

Dersom noko ikkje er tilstrekkeleg belyst i søknaden, ber vi om opplysningar om dette.

Arealbruk er regulert gjennom plan- og bygningslova der kommunen er forvaltingsmyndigheit. Fråsegner knytte til dei arealdisponeringane kommunen har vedteke (arealplan, reguleringsplan og eventuell dispensasjon frå reguleringsplan), legg vi derfor ikkje vekt på i vurderinga vår.

Denne søknaden gjeld driftskonsesjon etter minerallova. Tildeling av driftskonsesjon erstattar ikkje krav om andre løyve, godkjenning, arealavklaring eller konsesjon etter anna lovgiving.

Vi ber **kommunen, fylkesmannen og fylkeskommunen** opplyse om tiltaket påverkar miljøet, mellom anna naturmangfald, kulturminne og forureining. Dersom kommunen eller fylkesmannen har informasjon om slik påverknad, vil vi gjerne ha ei utgreiing om eventuelle konsekvensar og konkrete forslag til avbøtande tiltak og vilkår.

Søk i Artskart viser registrert funn av den sterkt trua arten Vipe i området nært inntil omsøkt område. Arten er ikkje registrert innafor uttaksområdet. DMF ber likevel om at fylkesmannen informerer oss dersom omsøkt tiltak kan få negative konsekvensar for artsregistreringa. Vi ber også om at fylkesmannen kjem med innspel til moglege avbøtande tiltak som kan bidra til å redusere eventuelle negative verknader tiltaket vil ha for vipa.

Heile eller delar av høyringsuttalane kan bli refererte i vedtaket som seier om konsesjon blir gitt eller ikkje. Søkjaren får høve til å kommentere høyringsuttalar før vi gjer vedtak.

Kva vurderer DMF i samband med søknaden?

Formålet med minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling. Alle uttak av mineralske ressursar større enn totalt 10 000 m³ og alle uttak av naturstein er konsesjonspliktige.

DMF vurderer søknadene etter skjønn før vi eventuelt tildeler driftskonsesjon. I vurderinga legg vi vekt på om søkjaren er «skikka» til å utvinne førekomsten. Det vil seie om prosjektet synest økonomisk gjennomførleg, om søkjaren har god nok kompetanse, og om det er lagt opp til bergfagleg forsvarleg drift av førekomsten.

Vi vurderer òg

- kva tiltaket betyr for verdiskaping og næringsutvikling



- korleis tiltaket påverkar naturgrunnlaget for samisk kultur, næringsliv og samfunnsliv
- korleis tiltaket påverkar omgivnadene og nærliggjande område under drifta
- kva miljømessige konsekvensar tiltaket får
- kva planar som ligg føre for etterbruk eller tilbakeføring av området

DMF stiller normalt vilkår ved tildeling av driftskonsesjon i medhald av minerallova § 43. Vilkåra omfattar mellom anna krav til driftsplan og økonomisk trygd for sikring og opprydding etter avslutta drift.

Høyringsfråsegnene skal sendast til

E-post: post@dirmin.no eller ordinær post: Direktoratet for mineralforvaltning med Bergmeisteren for Svalbard, Postboks 3021 Lade, 7441 Trondheim

For nærmare informasjon om minerallova med tilhøyrande forskrifter, sjå heimesida vår på www.dirmin.no.

Med helsing

Magnus Aune Ligård
overingeniør

Stine Borge Nordskag
rådgivar

Dokumentet er elektronisk signert og har difor ikkje handskrivne signaturar.
Sakshandsamar: Stine Borge Nordskag

Mottakarar:

Adresseliste

Sogn og Fjordane fylkeskommune	Fylkeshuset, Askedalen 2	6863 LEIKANGER
Sunnfjord Energi AS	Postboks 123	6801 FØRDE
Fylkesmannen i Vestland	Njøsavegen 2	6863 LEIKANGER
Norges vassdrags- og energidirektorat Region vest	Naustdalsvegen 1B	6800 FØRDE
Statens vegvesen Region vest	Postboks 43	6861 LEIKANGER
Gaular kommune	Vadheimsvegen 21	6973 SANDE I SUNNFJORD

Kopi til:

Gaular Pukk og Sand AS	v/ Arne Aarbergsbotten, Harevegen 11	6973 SANDE I SUNNFJORD
------------------------	---	------------------------